

廣陵醫籍叢刊



庫
刊
醫
籍

耿鑒庭主編

笛子起鑑
(印)

影印《醫經小學》序

醫經小學者，明初劉純（宗厚）之所撰也。其父叔淵先生，爲朱丹溪弟子。宗厚幼承家學，能鑽金華餘緒，乃撮古代醫家之精蘊，以丹溪法乳爲宗，節其要者，綴爲韻語，便利初學，能使習者入手即有正規可循，對地方頗有影響。著書地之淮南，刻書地之陝西，傳誦尤廣。大學士楊士奇謂其所行皆正途，所用皆正法，爲施教之資，非過譽也。

劉氏籍貫吳陵，即今日揚州市之泰州。唐武德三年（公元六二〇年）置吳州，即以縣置，更縣曰吳陵，七年州廢，縣復曰海陵，屬邳州，攷邳州爲武

德七年（公元六二四年）所改，九年復改爲揚州。今吳陵二字，知之者已鮮，蓋因時間甚短。故爲地名索引之書所不載。

此書在明初凡刻二次，傳本無多。曾排印於珍本醫書集成中，但所據之本，序文原缺首頁，校者以意加之，致文字不能連屬。今以正統本影印，以實吾廣陵醫籍叢刊。書凡六卷，首本草，次脈訣，次經絡，次病機，次治法。末爲運氣，惜末卷缺首頁，現抄配使全。卷前有醫學指南總訣二十餘則，類皆祖述丹溪者，末一則，記廣陵丘克容先生語，蓋皆可法之訓，又兼有地方特色，亦即揚州之特色也。

影印既竣，略識數言，供採訪揚州醫史以修邑乘者之撫拾焉。

第七十八甲子、癸亥之秋，八月既望，揚州耿鑒庭寫於湖北蕪春李時珍墓園之東亭中



醫經小學序



醫學肇於三皇至周六官有醫師掌
醫之政令所以衛民之生也歷代明
於醫者皆有著書去古愈遠後生晚
出往往不究宗旨甚者於脈證陰陽
表裏經絡氣運之說一切懵然惟執

前人一定之方以待病者用覲幸於
萬一而使斯民不幸不獲保終其天
年者蓋莫甚於今比者憲臣有言請
於邑里建學設教庶幾免人於天閼
雖一時格於廷議然其發於惻隱之
誠實切民用也往年副都御史陳公

有戒刺劉純所輯醫家玉機微義以
爲施治之資矣又欲爲施教之資也
并刺純所輯醫經小學以傳其書首
本草次脈訣次經絡次病機次治法
次運氣凡六卷一本於素問靈樞難
經及張仲景王叔和至近代劉守真

張潔古李明之朱仲脩諸家之書撮
其切要綴爲韻語類粹以便初學本
末條理明切簡備醫學之指南而端
本之書也凡善學者皆務本况醫人
之司命其可昧本而苟乎哉學醫者
誠能熟究是編融會於心將所行皆

正途所用皆正法觸類長之於歲論
十全何有哉此書非劉氏莫之爲非
陳公亦莫之傳學醫之幸生民之幸
也純字宗厚吳陵人其父叔淵仲脩
之高弟授受有自云

正統三年己未歲九月甲子光祿大

夫柱國少師兵部尚書兼
華蓋殿大學士 國史總裁同知
經筵事廬陵楊士奇序



醫經小學序



醫意也臨病立意以施治也其書內
經載運氣病源靡不悉備候天地之
變究疾病之機盡調治之理此神聖
愛人之仁拯羸救枉濟物之至道也
醫道斯立秦越人演其精義述難經

漢張仲景論傷寒用藥定方晉王叔
和集次及撰脈經以示後學意亦至
哉經去聖遠遺文錯簡後學專方而
惑意幸唐太僕令王冰重整其義啓
大法之幽玄釋神運之奧妙析理於
至真之中俾學者遇證審脈用藥去

病根本無貶損醫之道明矣而其爲
法制勝伐其勢資化助其生扶危定
亂之功本諸經論知氣識病治理得
焉嗟乎學必本於經病必明於論治
必究於方而能變通而無滯斯能盡
夫立醫之意矣昔丹溪朱先生以醫

鳴江東家君親從之游領其心授純
生晚學陋承親之訓有年矣其於經
論習而玩之頗嘗得其指歸不自揆
度竊以先生之旨輯其醫之可法本
諸經論之精微節目更爲定次歌語
引例具圖以便記習至於脈訣之未

備者亦爲增正名曰醫經小學蓋欲
初學者得以因流尋源而不蹈夫他
歧之惑有志於古神聖愛人濟物之
道者其無誚愚以管窺而蠡測或有
未至矜其志而加正焉則不惟醫道
之幸亦斯民之幸也

洪武二十一年冬十一月朔旦吳陵

劉純序

